

## AUGLÝSING

### um starfsreglur um breytingu á starfsreglum um rekstrarkostnað prestsembætta og vegna prófastsstarfa nr. 819/1999.

#### „STARFSREGLUR

#### um breytingu á starfsreglum

#### um rekstrarkostnað prestsembætta og vegna prófastsstarfa nr. 819/1999.

##### 1. gr.

1. gr. starfsreglnanna orðist svo:

Til árlegs rekstrarkostnaðar prestsembættis greiðast kr. 500 þúsund vegna skrifstofu-, síma-, póst- og fatakostnaðar. Þessi fjárhæð skal sundurlíðuð og jafnað niður í mánaðarlegar greiðslur.

##### 2. gr.

2. gr. starfsreglnanna orðist svo:

Til árlegs rekstrarkostnaðar vegna prófastsstarfa greiðast til viðbótar rekstrarkostnaði samkvæmt 1. gr. kr. 170 þúsund og vegna presta erlendis kr. 520 þúsund.

##### 3. gr.

3. gr. starfsreglnanna orðist svo:

Árlegur aksturs- og ferðakostnaður embætta presta og vegna starfa prófasta er greiddur samkvæmt eftirfarandi flokkun:

I. flokkur - kr. 250 þús. á ári.

Eftirtalin embætti:

Embætti sóknarpresta og presta með eina sókn.

Embætti sérþjónustupresta.

Embætti héraðspresta.

Ennfremur vegna starfa prófasta að frátöldum þeim sem getið er í II. flokki.

II. flokkur - kr. 380 þús. á ári.

Eftirtalin embætti:

Embætti sóknarpresta og presta á höfuðborgarsvæðinu með fleiri en eina sókn.

Embætti sóknarpresta og presta í þéttbýli eða þar sem stærstur hluti íbúa býr í þéttbýli, með eina eða tvær sóknir.

Embætti sóknarpresta í dreifbýli með eina sókn.

Embætti sérþjónustupresta sem hafa aðallega þjónustuskyldu á höfuðborgarsvæðinu.

Embætti héraðspresta í dreifbýli og víðfeðmi.

Ennfremur vegna starfa prófasta í víðfeðmum prófastsdæmum.

III. flokkur - kr. 600 þús. á ári.

Eftirtalin embætti:

Embætti sóknarpresta og presta í dreifbýli með tvær sóknir eða fleiri.

Embætti sérþjónustupresta með fasta þjónustuskyldu um land allt.

Embætti presta erlendis.

IV. flokkur - allt að kr. 850 þús. á ári.

Eftirtalin embætti:

Embætti í víðfeðmum prestaköllum.

Embætti sem tekið hafa við viðbótarþjónustu við sameiningu prestakalla.

Ef prestakall sameinast fleiri en einu prestakalli skal meta hlutfall af mismuni frá þeim flokki sem viðkomandi prestur var í til IV. flokks í samræmi við fjölda íbúa í sóknunum.

Þetta ákvæði gildir út skipunartíma þess sóknarprests sem tekur við þeirri viðbótarþjónustu.  
Biskupsstofa annast um flokkun embætta samkvæmt framangreindu að höfðu samráði við stjórn Prestafélags Íslands.

4. gr.

6. gr. starfsreglnanna orðist svo:  
Biskupsstofa leggur prestum til hempu og kraga samkvæmt nánari ákvörðun biskups Íslands.

5. gr.

8. gr. starfsreglnanna falli brott.

6. gr.

Starfsreglur þessar sem settar eru samkvæmt lögum um embættiskostnað presta og aukaverk þeirra nr. 36/1931, sbr. lög um breytingu á þeim lögum nr. 141/1998 svo og heimild í 59. gr. laga um stöðu, stjórn og starfshætti þjóðkirkjunnar nr. 78/1997, öðlast gildi 1. janúar árið 2010 og taka til allra presta og prófasta sem eru í þjónustu þjóðkirkjunnar.

#### **Ákvæði til bráðabirgða.**

Þrátt fyrir ákvæði 11. gr. núgildandi starfsreglna breytast ekki fjárhæðir í 1., 2. og 3. gr. á árinu 2010.

*Gjört í Reykjavík, 20. nóvember 2009.*

Pétur Kr. Hafstein,  
forseti kirkjuþings

Dagný Halla Tómasdóttir  
þingskrifari“

Starfsreglur þessar eru hér með kunngerðar almenningi.

*Reykjavík, 20. nóvember 2009.*

F.h. kirkjuráðs,

**Karl Sigurbjörnsson**, forseti kirkjuráðs.